

四庫全書

集部

欽定四庫全書

集部

元詩選初集卷

十九

詳校官中書 王 鵬

主事銜 臣 徐以坤覆勘

總校官編修 臣 王燕緒

校對官檢討 臣 溫常綬

謄錄監生 臣 周 勲

欽定四庫全書

元詩選初集卷十九

庶吉士顧嗣立編

袁學士桷

桷字伯長慶元人宋同知樞密院事韶之曾孫也童子時有能文名部使者舉茂才異等授麗澤書院山長太德初闕復程文海王構交薦之改翰林國史院檢討官時初建南郊疏十議以進禮官推其博多采用者擢應奉翰林文字同

知制誥兼國史院編修官累進翰林待制集賢直學士同修國史至治元年遷侍講學士泰定初辭歸卒年六十有一贈江浙行省參知政事追封陳畱郡公謚文清伯長初師事剡源戴帥初稍長在王溪寧之門復從舒岳祥遊家固多藏書又親見中原文獻其學最為有本及在詞林朝廷制冊勲臣碑銘多出其手家居以後修闢南園故址結小亭讀書其中翰墨所傳極於

海內所著有易說春秋說及清容居士集五十  
卷元興承金宋之季遺山元裕之以鴻朗高華  
之作振起於中州而郝伯常劉夢吉之徒繼之  
故北方之學至中統至元而大盛趙子昂以宋  
王孫入仕風流儒雅冠絕一時鄧善之袁伯長  
輩從而和之而詩學又為之一變於是虞楊范  
揭一時並起至治天厯之盛實開於大德延祐  
之間伯長沒後二十餘年會修宋遼金三史遺

使者求郡國遺文故事惟袁氏所傳為最多故家文物萃於東南百年以來流風未墜論者以伯長實有功焉良不誣也

再從姪瑛幼孤學道龍虎山自傷不能鞠攜述祖德以勉之

煌煌玄冑家越徙鄞隱道闕躬三世養真是生祥符觀光績文占籍浚儀佐邑孔勤粵有光祿亦奉於越聿魁開封老守於括少保恂恂卑退靜閱太保靈承逃難乘

筏大耋韜明問里胥洽篤生衛公喬柯茂豐敦讓詒則

攝獄自公絕蔓秉仁千人著功冥報氤氲維垣錫崇於

赫少傳受學族祖

諱覺有書解行於世正獻亦師之

習繹典謨正獻同

宇正獻首科少傳踵舉

正獻淳熙辛丑登第少傳次舉于鄉衛公夜夢神告曰汝子宜

避上南省甲辰闈郡被黜淳熙丁未中丙科三歲學於正獻公

復師以研繫我族父昭

穆會稽非宗疇譜同源迢迢宴堂是叙

少傳挽正獻詩曰宴堂聯族子

講說後諸生

相臣嫉忠同黨同錮

韓侂胄擅權正獻以太學正罷入偽學少傳以論蘇

師旦亦廢

正學勃興象山武夷相繼登朝奉常羽儀維我少

傳抱其魁竒曰經武有本日用不疲絕幣罷書感勵孜

孜迺登東觀迺佐宰司歲為閭茂正肅冠廷

嘉定甲戌正肅進士

第一正獻秘監兼祭酒當是時越公為秘丞兼樞密院檢詳越公登第已二十八年

正獻休休

少傳繩繩載史纂謨致事以行少傳作程均羸紀經翼

翼京邑十載孜寧憬彼介狄迴戈指淮鐵駟駘喧為厲

之階公在宥密展誠弼諧悉卒宵征拉其妖蠹總戎輔

京秉燾受齊

李全叛以同知樞密院浙西制置使

奸沈於淵公歸在里徵

彼壽俊縣車告止

于時徵公及東陽葛公參政宣公皆不至三公年皆近八十矣

三啟



公府永楚賜履復荒於齊終越以祀冢子廬陵克謹其  
承曰惟瑞安儉不近名生我俊兄志學蜚英上試銓曹  
計偕薦膺余年尚孩企焉戰兢女紀既蒙訖錄更符匪  
曰愚智昵窮同途火焚高閭戚戚告瘡不敏其芸莫植  
其居泯奄長夜盡然永徂念子之稚孔蕤孔朗不寧以  
餉俾遊泮荒我雖異途與汝同情無為夸淫無溺燕朋  
壹爾氣神履永奉盈我宗匪微德芬匪沫來者之榮逝  
者之戒沾沾衷新不究其敗鑒彼太素曷其有壞述我

祖德送爾言邁匪窮咏歌申以用誠

舟中雜咏十首

好花辟車塵飛入黃河洗河流政茫茫一去不得底納  
汙有至道胡為愛清泚念茲物理深玄籥從此啟

飛雁翔南雲辟就端有得舊年春風歸雪花大如席陰  
陽眇難窺造物司其職慎勿事炎涼來往任行役

道逢射生船有鶴馴且臞青絲閉其目病翼寒蕭疎皋  
禽九天來此豈真吾徒獨憐羽毛侶盤桓為長吁

家奴拾枯草走兔來相親生來不識兔却立驚其神行  
人笑彼拙歸來始嘖呻乃知特幸脫未信吾奴仁

白華生寒沙殘花搖敝帚燕都百萬家偕爾作薪樵物  
微生最下功用迺堪取大勝桃李花矜矜鬪妍醜

清夜視北斗正色揺我前乃知中州殊詭詭浪談天召  
公化南國美教來自燕乾坤儻一致地氣何由偏

紙爲帖晴空飛輪走盤線東風恣昂藏得意隨手轉攀  
雲政相喜墮地忽復怨兒童豈知此得失終戀戀

惡馬少駕車，駕馬多駕船。駕船勿戚戚，駕車何翩翩。渠  
命有通塞，誰能別媿妍。君看鹽車下，淚墮如奔泉。

春菰種北土，三年變蔓菁。一為居養移，自覺顏無情。南  
山植松苗，深根定生苓。千年化豎魄，豈比春菰榮。

鷓鴣漾晴空，意態極楚楚。翻風蒼雪迴，轉日爛銀舞。盤  
旋傲孤鴻，清遠敵凡羽。須臾下魚陂，媿我覺疾去。

車行二十八韻

乘車古云貴，此意昔空羨。河流露枯沙，桑本接晴甸。大

車蓬蓬前小車鱗鱗殿高原縮先登却立駭所見隆如  
龜戴殼縛如蠶裏繭效駕何昂昂帖耳復戀戀高岡互  
回伏遠樹時隱見禪趺恣掀簸尸寢作瞑眩初疑肝膽  
傾漸覺手足顫兩耳傳鳴雷雙眸瞥飛電縈迴蟻旋磨  
局促蟲負版氣奔驚七還心嘔復三咽地軸從此翻日  
輪肯同轉軒鞠怒交撞戚速急欲戰馬悲望雲嘶牛走  
見月喘惡蜚恣調伏詈語極鄙賤中宵不知勞亭午輒  
告倦揩摩髀消肉舍弃足成趼蘭慚朝飧薄重勝春醒

涵土霧散游絲沙塵起飛麴咫尺方欲離頃刻已莫辨  
素衣緇漸化玄髮白新變人言道途苦我意舟楫便雍  
容漸追昔麗縉時想緬轅輪貴尊賢下足表置傳曳柴  
清時羞高蓋羣牧選況茲軌轍同及此寰宇徧詩成記  
勞勩旅次時慰唁

鞭馬圖

為狄誠  
父作

生駒萬里意所向知無前圉人忌其德未試先加鞭要  
令俛首馴使我嘗相憐伯樂死已久此道不復傳駕車

困泥途伏櫪老歲年所用非所養誰能別蚩妍畫師逐  
時好謂爾誠當然披圖重歎嗟我意何由宣

遊長春宮分韻得萊字

珠宮敞殊界積構中天臺神清歷倒景青紅隱蓬萊羣  
山助其雄衮衮從西來八荒皆禹甸為此增崔嵬舊邑  
環蟻垤清泉覆流杯雲低落日淨莽蒼同飛埃緬襲古  
仙伯采芝雪氍毹長春豈酒國殺氣為之迴天風起高  
寒玉佩聲徘徊空餘水中輪歷錄環春雷之人去已久

松聲有餘哀

蔣商卿叙其先人客金陵與先子事契末章復以

見屬次韻

堂堂金陵州草草石臺路羽書急星馳鋒車却金錯飛  
雲古戍基積雪寒沙步我舟欲輕行我馬何跼顧乃翁  
入門初此夕傾蓋故寒暄謝浮語信宿陳薄具茲年心  
尚孩維時歲云莫艱虞脫九死避后欣再遇貞姿固青  
松雅曲廢朱鷺二老古先民百歲等童孺微疴隔音容



鉅痛割心腑孤根擢遺肆淳敷悲弱羽緬衷青氈舊力  
守韋編素伊優笑侏儒咕嗶陋章句珥貂匪七葉插架  
同四庫談空齊諧虛守樸燕說固芳林極薈蔚溟海窮  
混濩乃知山中雲政異巖下趣心聲要成律易象那可  
註羣賢凜無幾餘子兢自數愛君思如泉愛君美如瓠  
願為汪汪深勿作翕翕附巨構千礎承珍裘百狐聚混  
世同舖糟勞生已嘗醋整冠儼初服拂衣謝紛務潏斷  
寧繪犧戶樞詎為螽情深盡傾倒醉劇多謬誤忘機絕

矜繁落筆化塵腐水深嘉魚潛雲重  
樛木怒翩翩林間鶴棲棲井中鮒  
飄零記疇昔慷慨合和煦辱贈難與酬  
臨風復成賦

集廉園

芳菲廉家園換我塵中春古樹不受采白雲為之賓中  
列萬寶枝天娜瑤池神背立飲清露耿耿猩紅新幽蜂  
集佳吹炯鷺搖精銀層臺團松蓋其下疑有人奕罷忽  
仙去飛花點枰茵高藤水蒼佩再摘誰為紉濯纓及吾

足照映須眉真暝色起孤鳥寒光蕩青蘋信美非故居  
整馬來城闔

次韻雜詩二首

少年觀滄海天濤碧因依下有珊瑚株紅光射雲輝玩  
之不忍舍歛吸雙龍飛遠為塵中遊坐覺顏色遑哀哉  
西山士饑食周原薇

朝遊東門曲壞道荆棘存累累者誰豕舉觴酌其魂死  
無落魄名生有咕喋言所以荷蓀翁臨流漱潺湲遺簪

隱世德忍垢躬灌園豈忘輕肥念苟得誠少恩采采松  
上花饑來助吾餐

裴伯生

春雨消路塵春風散林纈蕩蕩長安門客子千萬轍城  
陰有一士淡食羹不啜采彼松上露煮石化晴雪沈冥  
護真性觴至那復說向來舌本淡今作耳根熱維南有  
樛枝巖溜滋百結在德良自防居屯詎為折念此長夜  
深寒光吐殘月

夕佳亭

赤雲下平田層巒紫光凝疎鐘息萬籟晴湖淨奩冰倦  
翻戢已棲游雲澹相承吹簫者誰子空林起孤燈感彼  
金谷人怪石樛寒藤壯意恥未沒水涌風憑陵亭亭玉  
浮圖百幻隨廢興振衣視天末黯澹銀河升朝曛詎異  
境氣寂念始澄

潘孟陽上書不報歸里作五詠

此題元音選四首  
題作送邵元道潘

訥叔曹能始俱  
刻入迺賢誤

賈生蘊奇略，徒步西上書。昊天有正命，傷我杞人愚。鵬翼垂雲來，魂氣與之俱。鼂氏竟寂寂，主父復何如。

襄陽孟處士

一作浩然

拂衣歸故山，放浪巖壑深。流咏遺人

間，舉袖巖

一作林

花落擊楫江鷗還。羊公何墮淚，水聲日

潺潺。

梅生一尉卑

一作微

喋喋正天紀，洗心洞玄化。削跡棄

一作

無妻子，龍變孰能

一作為

馴。蟬蛻乃真止，松迴風泠泠。水

落石齒齒。

虞卿舌轉九揣事精微茫艱危見交態窮愁名益光黃  
金散逝水白璧凝飛霜丈夫有定志得失非預防

仲連匡世姿揮手却秦軍捲袂停白日登車抗浮雲射

書誠草草孤城生死分辭榮敦薄

一作厚

俗矯抗離其羣

送馬伯庸御史奉使河西八首

青瑣倦迂散執轡踰關河黃流何奔傾積石何嵯峨承  
詔撫疲甿驚鳥在林柯沙場有凍骨野畝無遺禾日夕  
寒雲聚宿燐明巖阿訪俗感素心因之聆咏歌

咏歌者誰子被髮號天明婦死不復悲失兒誰與耕承  
平五十載不識戰與爭殘雪流銀液我淚同其傾古云  
百二險夸誕生甲兵孰能轉夷途歷劫永清寧

清寧闢文運覽彼古帝都秦聲激豪宕洛詠夸數腴邛  
山何累累下有白玉趺感彼秉筆人百金盡其諛死者  
已寂歷茲文亦模糊偉哉龍門生悲憤有遺書

遺書紀河源荒忽不可識君行河之西春雪深五尺茫  
茫賀蘭山抽矢石為鏑坐閱三姓王聖代始斂色沙羊



護羶房名駝候土驛觀風慘無儔雲端羨飛翼

飛翼西北來遺我書赫蹠中有陳情詞復憐雙雛啼野  
曠川無梁積荒氣候淒雞鳴葡萄根虎嘯首耆畦清霜  
集素裘斗戴天益低頓轡不得上雪山在其西

其西何寥寥云有古先生巖居時一食委形澹無營朝  
日炫丹碧匪以斤斧成如何驕榮子騰竽列層城驅力  
超北海逐影從南溟誰能佐玄化泯默有遺情

遺情在相思舉酒不得起永念編簡功篤志刊綺靡傾

蓋已云舊知我實知已送君河之滑凍柳光疑疑修途  
馬飛翻少立盡瞻侯植德綏令名眠食慎道里

道里吾何能託身承明廬我冠養深拙清塵辟修途驅  
馬李陵臺望鄉問長鬚長鬚不能對吾行益次且羨君  
萬里道晴霞起襜褕天山諒非遠椎牛植粉榆

大名劉節婦吟

孤鶴不累巢離鸞不飲溪溪明難為影巢成誰與棲飄  
飄無根雲流麗如虹蜺下有貞松臺白日晝且淒我思

徹霄漢冥邈不可梯  
青青東園柳子規當樹  
啼來者何  
用歡去者日以迷  
擊石端出火  
擣辛能作齏  
妾心倘未  
明請看井中泥

育王珙禪師示寂二絕  
嶼上人回山中因寄塢主  
石塢累荒土月落水稜稜  
永襲跣趺叟松風吹不磨  
山房舊淨供素壁一枝藤  
語寂絕禪觀機深超祖乘  
擊石迸新火諸天化為燈  
上有白玉峰丹梯杳難登  
黃流鉅野漲虎嘯懸崖崩  
斯道儻未泯微言足搜徵

善之僉事兄南歸述衆百韻

並轡承明廬在苒十七禩陽林集總翠輿室麗文綺寶  
函龍鳳章玉佩鵲鵲峙泰帝興鴻文奎壁憲天紀梗楠  
購羣才弓帛徵四起番番古遺直正色論道理深幾虎  
生風神契魚在水三光密轆轤一札見萬里雍容丹地  
近經緯審國是霜封賚黃柑冰盤錫朱李蒲萄與法酒  
承燕時漱齒俯陳天人際齟舌衆披靡始言官高卑予  
奪慎其軌終言瓊林資海宇極鞭箠儉情曲如鉤謹論

直如矢或以首鼠窺或以妖狐伺秦終慶雲開再拜玉  
色喜天青回海雁萬柳色疑疑屬車度居庸整隊行過  
蟻老臣汝居守清霜慎顓俟秋風龍虎臺帳殿紅旂旒  
前驅列鸞鶴後御肅屏兕分行獻瓜果傳醴復長跪念  
昔詞臣功咫尺寫天旨大令追風雷小言婉蘭芷約制  
如竟寧渾噩回正始告廷趣揚休建社追賜璽摛文具  
明訓援筆謝填委飛濤卷天吳歷塊超駉駉咿嚶恩澤  
侯過手直三褫園丘導景化祕祝陋五時漢皇禮鄒枚

食粟倡優比遺恨存至今文俳等方伎緬思周廷秀勢  
若鹿角摘衆忠牖納約凝命鼎出否追琢羅寶尊刻鏤  
羞玉簋朽索馭匪輕深淵涉無涖煌煌金匱書世守司  
馬氏春秋尊為經不復繼魯史朝光鵷鵲明千花爛朱  
蕊松風轉回廊蒼玉振徙倚龍荒起神武九域極芟薶  
羣公儼侍御挾矢佩象弭臨河誓剖符披圖開賜履永  
言卑退全罔以強力恃獻功上王所百一存寶度龜趺  
負穹石浮語極褒侈墨兵勦衆妄筆獄破積毀載筆

非無能終歲不滿紙坐曹心靡寧愒日賴有汎清談雜  
諧語陡覺兩曜駛自取木雁中俛首供諾唯交章日輪  
困涉署絕臧否或云以彙升拾級上堂庀或云選清望  
後至實奇士迎塵馬交趨候門足爭累冥鴻天機深却  
立賦三已總角勇志道奇服曳芳莖澄觀竹素園讎勘  
徹昏昃儒宗丈人行聞欬輒倒屣溪湛皇王學揮手謝  
青紫辭卑相如賦操擬靖節誄淒涼五公裔泐忍羞筮  
仕孤音歎寡和激石轉商徵浮雲蒼狗來暹勉渡江汜

湯湯黃河道桑棗日淪圯耕童戲殘鋤一一古戰壘霜  
叢射新兔春蒲貫王鮪荒州靜無事拍手歌于蒺藜灘  
鐵槎牙積溜玉迤邐太史非好游所歷廣聽視振文入  
閭闔姻契論不鄙相期在霄漢薄祿慎礪砥趨朝曉  
同班退宿昏共止填膺雙髯張快意並手抵談經陋茲  
茲證字窮亥豕斷絃搜麟膠滅跡問獺髓愛兄靜以絮  
振鷺立水沚霧深沐玄豹日坳粲文雉鏞鐘倡鴻聲衆  
樂奏立伎向來論交意瞑目謝諸子出處今不同評議



實相似維吳稻蟹區民俗久瘡痍貧樁蒲稗齊富廩丘  
嶽序傾金恣聯絡所至各關市令儀養叨憤軟語包詐  
詭郭解都中夷景氏關內徙坐令襁褓徒終歲力耒耜  
興文植清邵省罰厲廉恥重華政垂衣化俾風俗美行  
行度東魯野水足荷芰微吟數魚網薄睡倚烏几漁歌  
起微茫逸興舟戒檣人言居移溪嘉橘化成枳不見千  
金泉一畝夷齊擬離羣增幽憂溽暑積恹恹登坡帽低  
昂跋馬益遠企管鮑非利交金石誓生死著鞭訝先之

稅駕亦逝矣共享黃髮年斯文永綏祉

送趙虛一道士降香南海諸名山

往從虞伯生  
降香成都

振策我嶺巔身輕瞥飛鳥懸崖飲崩流側石穿暗篠高  
騫蕩心目每恨所歷少捧香南溟使絕足騰腰褭龍淵  
明玕秀恍惚百靈瞰秉飈訊八公挂席招五老巖光候  
陰晴水氣變昏曉神君層巒倚商祭通杳眇念昔結空  
寂佳處絕登眺希彼巢居子寢作止林杪鐘鳴驛吏動  
危坐萬籟愀餘齡水赴壑歷塊跡電埽韜精習澄觀俯

曠八紘小

飲酒雜詩

四錄

京師二十載酒中有溪歡大雨即閉戶朔風嘗解鞍客  
至輒笑之是豈宜居官振容筮神著鴻飛漸於磐百歲  
苦世短萬鍾非我干所以東方生吏隱神益完

陽鳥乘南雲飄飄振奇翮迫此梁稻謀居移遂成客媿  
我食京塵誓墓志未獲雙峰十丈松下有千載魄當年  
侍蓬瀛香芸森寶冊高齋集遺編朱墨猶手澤戰兢媿

匪承永念在行役

弱冠不飲酒籌燈橫玉繩或云酒中趣湛湛浮雲蒸棄  
書試其言果若烏輪升天根轉晴雷堅城為之崩妙言  
粲瓊屑逸興追飛鷹醉鄉儻可居無功乃真朋

江梅生空林歲晏美無度挈身踰朔易塊獨此空處羶  
房望朝陽耿耿不得語雕龍粲珍禽悵望秦鄉樹爰居  
東門止盛饗非素茹臨風嗅其英雅志稟故土

觀真文忠公畫像

羣賢輔絕學嵯峨武夷峰熒熒方瞳光汲汲汗簡中緬  
襲文明初蒼珮極匪躬執筆侍玉署妙語工彌縫飛塵  
變蒼狗潛淵閔游龍空餘經濟心勞徕饑飛鴻濁水投  
神膠揚清乃奇功喬松不並世寒飈轉秋蓬生世我已  
後正緒遺顙蒙惕然拜公像斯道非終窮

曾大父樞密趙公嘉定辛未與先生同官奉常寶慶  
初同為侍從先生被黜先公亦以論邊事去國獲拜  
道像并識於后王忠簡公嘉定入朝曾大父越公  
復隨班著登端明公嘉熙間以西山先生門人敬歷  
麾節先公則已捐館稍向遊學婆女侍拜端明公之  
次子令尹道家世遺事纒纒不絕口今復見其孫申

伯於鄴喬木摧落猶深為此懼瞻仰西山先生遺像因叙事作以自勵亦以勉夫申伯

次韻元復初春思三首

此三詩潘訥叔曹能始俱誤作迺賢

凍樹迴青陽羈禽競新唼喧喧人語浮稍稍春事動澄  
心絕芳華小睡足幽夢夢覺天宇新朝光集飛棟

遊塵逐平皋秀色翳榛莽油雲互東西鬱抑不能雨昭  
蘇在玄功竟夕復延佇何當扶其巔振翮窮委羽

遠客芳草思湛湛天外舟坐令親知疎低徊此淹留古  
樹摧奇石清流匯芳洲素心諒有在胡不為茲遊

送薛玄卿歸吳子時有上京之行

飄飄江海遊渺渺關河役燕鴻有相避客子無定跡  
南山火雲高北山雪新白想此六月時相顧各動色  
墀傍青松樹上有雙鵠翼愛君慎舟楫戒我專寢食  
擾擾行路難風花亂如棘

有感

皎皎白面生長鋏學短長箕坐激楚聲大言響高堂  
有客將止之反脣臂欲攘客退不敢言彼怒庸何傷  
盈盈

百花露擬作終歲糧露晞百花隕掩袂翻傍徨

三月十二日自廬歸舍梨花盛開薄莫與陳汝

海花下小飲

兩人一百歲共飲三十杯  
雙花夾蒼檜天桃倚晴臺  
白團燕山雪紅注天台  
醅振鷺擬高下遊蜂謝徘徊  
昂首冠接羅捧心舞韞韞殘日凝餘霞  
迴風起輕雷不念影寂寂但惜光  
皚皚珠衣點綴滅粟尺彌縫裁團團  
妝奩巧宛轉寒紋迴香深妒紫檀  
色靚羞蒼苔幸茲豔陽盛



不以塵土摧凡卉工後先孤根靜栽培翫芳悟觀象擷  
英審掄材較轢青紫場躡藉錦繡堆高羞折腰柳逸亞  
橫枝梅殷勤識花意浩蕩為我開殿廬龍光動瑣窗駒  
影催相迎復相恨欲去還相陪停雲儼若思落月寒如  
灰當歌願秉燭渴吻驚恥螻

次韻瑾子過梁山灤三十韻

大野豬東原狂瀾陋左里交流千尋峰會合百谷水量  
深恣包藏神靜莫比擬碧瀾渺無津綠樹失其溪揚帆

鳥東西擊楫鷗沒起長橋篙師歌短渡販客止天平雲  
覆幕灣迴路成砥礪坊嚴聚屯漁舍映渚汊柳絲翠如  
織荇帶組交裁出日浮鈺金明霞紆綬紫一畝澆腸迴三  
潁慰潁泚高桅列魚貫遠吹生鳳腎前奔何無休後進  
復不已遶如林烏旋疾若坂馬駛飄飄媿陳人歷歷見  
遺趾流移散空洲崛強尋故壘波清鳧聚陣日落魚會  
市土屋危可緣草厂突如峙蓮根漲新圩蒲芽護荒坻  
水花碧團團雲葉白迤迤濬修出飛泉闐闐搜故址緬

思重華帝允屬夏后氏彝倫著箕疇偉功傳遷史目力  
渺無窮行跡端可紀前邨捋柔桑沃壤接良耜餘芳錦  
堆爛宿麥翠園侈乃知東魯儒終作中朝士養源匪澁  
養包荒納遐邇驅馳屢經過感歎復慰喜南還幸遂願  
永雪洗耳恥

憶昔三首

憶昔白雲阡有松如車輪初日炫五采湛湛珠露勻是  
時十四五恍不如其因有客笑指之慈蔭在汝身猛志

親六籍百川渺無津裛刺慎所從一一先朝臣文昌古  
遺直談經鬱紛綸授以漆簡書經緯通天人碧波掣鯨  
魚瑞錦翻麒麟昌歎世所鄙食之乃奇珍廁身金鑾中  
黽俛二十春懼貽先師羞執筆常逡巡即今已六十誓  
墓廬松筠厚德靡有報淚與寒泉淪

外家甘盤宅門閤誠煒煌高懸金碧榜中有衮繡堂珠  
璣左右侍絲竹儼成行幼不識慈顏到彼心傍徨每歲  
兩過之嚴訓具有方膏粱病居養久爾生情荒七歲誦

詩書十齡學詞章駁尋志學歲折節師老蒼紀事法班  
馬冥心契羲皇謬與時彥交寶書閱琳琅今茲乞南歸  
往事增慨慷興衰陶與蘇秉筆追耿光凱風有遺思願  
言繼餘芳

寥寥帝王州我翁佐其治有亭名朝陽青溪清且駛旁  
有籌邊閣羣公集裾翠翹翹萬芰荷雨過爭旖旎飛觴  
羽書來翕霍江上燧我冠極遊談戎弁生縱恣予時侍  
其旁側耳聽論議翁言不見取投劾乃謝事坐令百萬

家解甲豎降幟徘徊夕陽亭晉宋政相似

芳思亭

并序

大父尚書公治圃南郊有堂亭凡十五方池修廊屈折便宜雨甚亦無礙遊事逮今荒廢踰四十年故基陳迹不復可考近築一亭雜植花木廣不踰畝髣其萬一名之曰芳思玩其英華將以紉繹志興翰墨有紹是則先公之志作詩示  
瑾瑾并求親友同賦

侃侃尚書公投紱理泉石五堂適寒暑十亭送昕夕瓊  
英玄圃秀美蔭嘉樹碧修廊不受雨來往隨履舄紅雲  
漲方塘丹霞耀翠席嘉魚黃金掌瞥見眇莫測辛勤三  
十年澌逝晦朝蹟遺訓示子孫樹藝比其德浮雲變須  
臾百幻倏消蝕空餘鄭公莊耕稼給衣食緬彼行樂時  
種植各有職以茲一畝園髣像見疇昔幽葩與羣卉生  
意日不息朝陽漱靈根三咽妙紉繹曠曠事幽賞逝矣

躬六籍

題高彥敬桑落洲望廬山圖

為秋  
泉作

長江亭亭桑落洲一壩獨傲蘋花秋邊聲已逐鼙鼓盡  
水氣欲挾漁榔浮謫仙騎鯨五柳老真景變滅隨沙鷗  
空餘秦箏與羌管斷續不洗琵琶愁玉堂小窻解蒼佩  
宴坐得意毫端收空青點雲碧痕溼方諸取月寒光流  
匡廬老人在何許似覺頷首相遲留佳峯稜稜鐵鉤鎖  
寸樹點點銅浮漚要知翰墨灑清氣俗子政爾勞雕鏤  
秋泉山人息機事青眼不與王公酬高張素壁凜太古



擬跨獨鶴還磯頭人生江湖在適意底用絕俗埋林丘  
披圖覽古重歎息天際杳靄疑歸舟

秋泉德生仲章梅叔章周儀之皆次余韻題廬山  
圖再次韻以謝

海郡列戍連沙洲榆柳插戟搖清秋擬從京國洗氛瘴  
黃塵復作煙花浮西山紫翠不可望但訝積雪如明鷗  
愛君寒齋之畫幅瀟灑不寫人間愁胸中丘壑我豈少  
奈此磊嵬難為收宣城詩法挺二妙炯若玉璫盛黃流

永興天機愛神俊碧眼一顧羣無留千年周子古風月  
衮衮亦散空中漚乾坤無言混沌鑿頗怪我輩勞鐫搜  
沈冥天台老仙伯清坐自與廬山酬天青無人月色古  
縹緲五老疑駢頭功名營身旋蟻磨芻豢得意崇糟丘  
何當相從老其下釀酒一醉黃金舟

謝王參議送練春紅二枝

玉堂老仙玩幽獨閉戶無人似初溽倚闌岸幘領孤芳  
蔌蔌輕紅冠羣綠化工有意卑凡卉積李崇桃空眩目

爭先鬪巧等堪憐已向東風盡驅逐此花清妍淨如洗  
收拾餘春傲榮辱何郎湯餅徒試妝太真溫泉空賜浴  
天然生色鑄真態亭午低頭睡初足誰言花后最奇絕  
我怪酪奴能汙觸嫣然一笑奉清懽莫把金尊歌別鵲  
并刀妙翦駢頭來珠露淋漓袖新感似嫌凡子多京塵  
却恨高人付流俗微風澹蕩新雨生強拭愁容吐殘馥  
擬將色筆寫清意綺語非工那忍瀆徘徊中庭月過半  
翠袖娟娟泣寒玉

絡馬圖

秋原苜蓿肥雲屯帖帖此馬和且馴屬車效駕宜在力  
愧汗絕足追奔塵良衰不生造父往公子毫端意悽愴  
虞淵逐日終飲河出門加鞭奈爾何

寄南劍李士弘使君

水雲離離千疊峰海日如鏡行天紅使君新沐坐清樾  
筆底丘壑生陰風玉蘭之花不受觸日給飛泉三百斛  
高春打衙人不來鶴立蒼苔動新綠

灤陽張節婦瓶中杏枝著花因賦

陶人妙合陰陽機，凍壺頃刻回芳菲。  
盈盈綠房綴冰蕊，玉蝶婀娜穿帷飛。  
佳人蓬鬢不下堂，手繡孤鳳橫匡牀。  
寶刀翦繒試春色，翠袖慘澹顏無光。  
烏頭可白珠九曲，造物深知憐不足。  
故應試此一枝春，點綴扶疎驚衆目。  
君不聞天上飄髯龍，平陸成波濤。  
又不聞壁間壺兩曜，瞬息如跳珠。  
齊諧茫昧不可詰，炯目看朱動成碧。  
張氏之壺如截肪，真火鍊質千年剛。  
枯根借潤表貞志，慎勿

語怪歸荒唐

同子唯賦水車

挈餅之智誠有餘抱甕之勞亦良苦何人嘗巧搜天機  
河伯逡巡魚鼈舞昂昂長身卧膝岸卷地翻濤敵驕暑  
誰云龍骨化梅梁未信魚身作橋柱縈紆香輪過流水  
突兀雲梯卷清雨橫陳歌板促紛綸倒流谷簾聲齟齬  
東家饅婦顏色惡步步生蓮空媚嫵陽烏流爍汗成漿  
平陸須臾涌銀乳推移燥溼意本同竊奪陰陽天所怒

人言無踵能自至跬步周旋路修阻不辭滿眼看黃雲  
歲晚論功付梁杞君不見田舍翁年年苦辛與我同天  
寒破褐厭糠覈仰視屋壁知誰窮

善之攜酒招遊西湖值雷雨分韻得杯字

南山樹影糊輕煤北山雲花玉崔嵬絕憐我輩少姿媚  
幻此異景窮奇瑰湖光山色兩愁絕更挾新雨除飛埃  
千年龍公睡忽醒頃刻駕浪鞭春雷我生倦遊端有意  
陳跡黯澹漫蒼苔擬將鐵笛寫清怨復恐翠袖含餘哀

主人似怪不解樂故結勝侶攜尊壘翩翩六鶴舞晴翮  
華表清唳雲光開絕憐山難強聯翼照水寒影空徘徊  
謝公屐齒殊濟勝偈仄蓬宇徒低摧娟娟新青故隄柳  
片片輕白孤山梅春風佳遊詎易得相與一笑同銜杯

賦金華方君雙魚研

海上鰓魚雙鬣紅振鬣直上嫦娥宮似嫌嫦娥太孤絕  
耿耿冰雪難為容須臾海枯不可下駢頭躍入空巖罅  
翠藤交絡石罅深太古風雷催變化得意相忘睡酣熟



開眼重光弄蛾絲跳銀破練何足奇共飽雲腴作寒玉  
良工感此同死生冥搜巧琢存其形世人翕霍漫刻頸  
對此三挹顏為顏玄英聞孫古俠士脫粟論交傾意氣  
竭來風雨泊江干拂拭雙魚落清淚平生謝子金石交  
詩魂寂歷飄黃茆此中濡毫作新誌免與俗子同譏嘲  
寄張伯雨道士兼簡鄧慶長

越羅作衫花纂纂今年身長覺衣短垂虹大隄迎櫂船  
綵袖翩躚酒卮暖還家閉門百不知桐葉題詩絲陰滿

鄰坊為約張隱居細雨湖橋乘款段

煮茶圖

并序

煮茶圖一卷仿石憲史處州燕居故事所作也  
石憲諱文卿字景賢外高祖忠定王曾孫儀觀  
清朗超然綺紈之習聚四方奇石築闕曰山澤  
居而自號曰石憲山樵此圖左列圖卷比束如  
玉筍錦繡間錯旁有一童出囊琴拂塵以俟命  
右橫重屏石憲手執烏絲闌書展翫疑有所構

思屏後一几設茶器數十一童偃背運碾綠塵  
滿巾一童篝火候湯蹙脣望鼎口若懼主人將  
索者如意塵尾巾壺研紙皆纖悉整具羽衣烏  
巾玉色絢起望之真飛仙人予意永和諸賢放  
浪泉石當不過是而其泊然宦意翰墨清灑誠  
足以方駕而無媿甲午冬十月其孫公疇出以  
相示因記而賦之以發千古之遠想云

石窓山樵晉公子獨鶴蕭蕭煙竹裏月湖一頃碧琉璃

高築虛堂水中沚堂深六月生涼秋萬柄風搖紅旖旎  
遵南更有山澤居四面晴峰插天倚憶昔王門豪盛時  
甲族丁黃總朱紫曉趨黃閣袖香塵俯首脂韋希雋美  
一官遽去長安門德色欣欣對妻子豈如高懷脫榮辱  
妙出清言洗紈綺郡符一試不挂意岸幘看雲卧林墅  
平生嗜茗茗有癖古井汲泉和石髓風回翠碾落晴花  
湯響雲鏘袞珠薤齒寒意冷復三咽萬事無言歸坎止  
何人丹青悟天巧落筆毫芒研妙理黃梁初炊夢未古

舊事淒零誰復紀  
展圖縹渺憶遺蹤  
玉珮珊瑚響秋水

贈張玉田

循王五世孫  
來鄭設卜肆

將軍金甲明如日  
勒馬橋邊清警蹕  
淮堦徹衛羽書沈

置酒行宮功第一  
彈冠熊軾填高門  
英英玉照稱聞孫

張鉉號約齋  
堂名玉照

百年文物意未盡  
玉田公子尤超羣  
紫簫

吹殘江水立野雉  
驚塵暗原隰  
夜攀雪柳踏河冰  
竟上

燕臺論得失  
丈夫未遇空遠遊  
秋風漸瀝銷征裘  
翩然

騎鶴歸海上一笑  
相問誇綢繆  
兩曜奔飛互朝夕  
璇府

森茫蠹莫測要須畫紙為君聽落筆雌黃期破的壺中  
白日常高懸道逢落筆呼醉眠清歌停雲意慘澹倚聲  
更度飛龍篇

次韻張伯雨梅花島

雲屏油幕低覆垂晴日倒映黃琉璃孤根自有巖壑趣  
屈曲緹室情依依巍峩青女來葢珠赤脚獨立層冰渠  
燧人當陽朝寶鑑金屑簇漏催銅壺何人胸中藏九島  
內火迴環不知曉咄嗟已辦天機浚頃刻能成化工少

陰陽在手司帝春坐憲更試明憲塵江湖遠涉汝良苦  
門外萬竅笙竽吟

李士弘枯木風竹圖

為玉隆陳  
又新作

狂蛟舞空蒼髯挈雙鐵蒙頂雲交加亭亭霜標不受侮  
慘澹天籟扶槎牙西山古淵人莫測一柱承天萬牛力  
會須截玉化陂龍拂拭苔光遺劍跡

過高郵湖

七十二湖春浪濃風力翦霰跳玲瓏參差凍柳阜纛重

偃首俟命朝珠宮淮南田父身龍鍾灼龜瀝酒占年豐  
舊秋積水挾豐隆長魚揚鬐蒲蕩中桑顛高下棲冥鴻  
黑禾生耳隨飛蓬瓢囊扶攜出城東至治天子達四聰  
詔書寬大蠲民農秀麥稔稔翠織葺赫日出海扶桑紅  
歲熟於酉年相逢擊壤鼓腹歌時雍展牲美報湖神功

趙昌荷花

我家東湖三百頃瑞錦縱橫綠雲凝森森曉氣天香飛  
星斗光沈水花淨遠如嬰兒脫文褌近若胎仙臨玉鏡



瓊杯欲側雨絲垂金掌初調露珠定盡將機心付鷗鷺  
小雨輕煙穿短艇京塵烏帽二十年夢入滄洲寄清興  
趙生畫意不畫格淺粉輕砂養真性韜精斂容羞自陳  
三沐無言月華靚邇來馮於號能事老嫩風晴毫髮證  
玄黃已辨神俊枯遂影之人道中病高堂視此青琉璃  
香色俱忘保清靜

句曲山迎真送真詞二章

并序

往歲在翰苑嘗草三茅君制書近張伯雨道士

寄示陸魯望句曲山朝真辭二章蓋每歲大茅  
君十二月二日相傳由天台歸茅山春三月十  
八日復歸魯望所製乃十二月而三月獨闕予  
不揆用韻以補後章繹繹字書即緯字古率字  
作繹呂道士過三茅因書以寄且為異日朝真  
之資伯雨詞氣清簡必以予言為陋也

參差窈窕行雲急翠旌飄飄露華溼神君夷猶疑未來  
矯首精思各山立瑤臺章徹星斗冷碧扉丹透紅流影

春雷迸壑人不知獨鶴眠松已先醒

迎真

妙顏朝迴寶衣解乘龍高駝賦遄邁山中老人年送迎  
一酌寒泉過玉瀝翠氣紛霏森孔蓋挾以流鈴先繚繚  
帝子高歌歸去來白月追雲送飛珮

送真

附魯望詩云九華磬答寒泉急十絕幡搖翠微溼司  
命旌旂未下來焚香抱簡凝神立殘星下照霓裳冷  
闕月纔分鶴輪影空洞靈章發一聲春來萬壑煙花  
醒縈雲鳳髻飄然解玉鉞玄竿儼先邁朝真弟子  
悄無言再拜碧杯添沆瀣火鈴跳躍龍毛蓋腦髮  
青青澱綈綈萬象消沈一瞬間空餘月外聞殘珮

# 越船行

越船十丈青如螺小船一丈如飛梭平生不識漂泊苦  
旬日此地還經過三江潮來日初晚九堰雨慳河未滿  
當時却解傍朱門醉眼看天話長短年來官府催發綱  
經月辛苦鬢已霜布裘漫作解貂具入門意氣猶猖狂  
自古魚鮭厭明越明日今朝莫論說買魚沽酒不計錢  
被髮江頭傲明月勸君莫作越船婦一去家中有門戶  
沙上攤錢輸不歸却向鄰船盪雙槳

新安芍藥歌

送胡伯恭  
之婺源

洛陽花枝如美人點點不受塵土嗔輕朱浚白鑄顏色  
高亞綠樹爭精神那知新安紅芍藥透日千層光閃爍  
碧雲迸出紫琉璃風動霓裳凝綽約我聞種花如種玉  
盡日陰晴看不足微雲澹蕩增寵光細雨輕濛賜湯沐  
何人看花不解理香雪紛綸手中毀酒酣跌踢空低昂  
得意須臾竟如此翩翩驪駛雲中君愛花直欲留青春  
青春如流欲歸去明年看花君合住

哀牢夷

送張子元  
僉事雲南

哀牢夷蒼山疊翠雲無梯洱河西傾去無底晴日倒射  
紅琉璃相傳沈木兒背坐曾遨嬉築城蜿蜒似龍尾千  
古髯君乃其始縛繩駕長橋皮船中蕩搖危巔石樓高  
百尺子孫生長今漁樵空林明月手可拾仰飲飛流鬚  
髮溼寒藤冒徑側足行飢猿兒唬鼠人立慘澹虛無間  
鳥道開人寰峨眉東望止一髮參旗玉井閃閃上下隨  
躋攀君不聞木皮岡前九折坂客行胡為車欲返又不  
聞青溪關上三碕城累累戰骨耕耒平輕家許國要有

道瞿鑠是翁誇不老張公子當有行繡衣青春照瓊英  
笑跨紫燕辭天京朝餐五粒之松子莫食側生紅入齒  
從來蠻客尊漢官但飲亡何端有理南飛鴈足何憧憧  
不能與日隨西東相思望君日西下去天一握疑有雲  
氣時相通

安南行

送李景山  
侍郎出使

輜軒使者安南來紫泥封詔行風雷溼氣翻空海波立  
鐵網山裂狂蛟摧神京煌煌鎮無極火鼠燭龍窮髮北

彈丸之地何足論蚯蚓為城霧為域瘴江如墨黃茅昏  
羣蠻渡江江水渾千年白雪不到地十月青梅猶滿邨  
赤脚搖脣矜捷鬪竹箭藏蛇離猿狖崛強曾誇井底蛙  
低徊自比泥中獸龍飛天子元年春萬邦執璧修臣鄰  
朱干玉戚廣庭舞笑問銅柱今何人君不聞重譯之人  
越裳氏有道周王輸白雉又不聞防風之骨能專車神  
禹震怒行天誅李侯桓桓水蒼珮舌本懸河四方對後  
車竝戴朝未央稽顙九拜乞取金印歸炎荒



李宮人琵琶行

先皇金輿時駐蹕李氏琵琶稱第一素指推却春風淡  
行雲停空駐晴日居庸舊流水浩浩湯湯亂人耳龍岡

在上

古松聲寂寂歷歷不足聽天鵝夜度孤鴈響露鶴

月唳哀猿驚鷗絃水晶絲龍柱珊瑚枝願上千萬壽復  
言長相思廣寒殿冷芙渠秋簇金雕袍香不留望瀛風  
翻浪波急興聖宮前斂容立花枝羞唬蝶旋舞別調分  
明如欲語憶昔從駕三十年宮壺法錦紅茸羶駝峰馬

湮不知數前部聲催檀板傳長樂畫濃雲五色侍宴那  
嫌頭漸白禁柳慈烏飛復翔為言反哺明當還朝進霞  
觴辭輦道母子相對猶朱顏君不聞出塞明妃恨難贖  
請君換譜回鄉曲

月海歌

水國紅葉下萬山白嗟我扶胥無垠接天際望舒力挽  
沈金波人言老蟾那有光為借三足之鳥起熒煌鳥已  
入地蟾在天此說詎得然或言大塊蓬蓬氣為主浮空

五色神后輔顧菟在腹不得吐下入八瀛金碧聚貝宮  
樓臺珠結戶穹窿前驅老蛟舞千人之目皆在水各持  
一月得歡喜夜闌斗轉銀河傾變滅消沈去無趾

秋江釣月圖歌

南山舞空趨翔鸞北山人立如唬猿長流東來貫其腹  
謂是浙水屈曲萬丈之上源大魚奔騰鰭鬣焦小魚委  
靡隨江潮中有白玉蟾落落五采凝不消人言此蟾在  
天主陰魄淪沒何為水中宅簾簾千尺綸蟾永不受吞

廣寒高居凌紫清日逐烏御不得停愛此江水碧倒空  
浴影潛金精感君纏繚如有素瞬息還須上天去君不  
聞任公子東海投竿非小智又不聞嚴先生羊裘古瀨  
成高名君家慈母占畢逋百尺樓觀端可居黃金之鈎  
不復理明月年年在秋水

三馬歌

東坡三  
馬贊本

羌水渾峰解屯瑞至人率獸尊參以陳仰天門龍為鱗  
炳虎文髯悍獬效伏馴鑒鏘鏘馳道遵帝乘虬相攀雲

逝無留返崑崙

廬陵劉老人百一歌

昔聞寧王嘉定時平淮如掌糧如坻襄陽高屯十萬卒  
武昌金埒饒軍資西蜀環山堆錦繡滔滔南紀喉襟首  
我眉積雪不動塵玉壘浮雲古今守當年行都號全盛  
翠箔珠簾爭鬪勝西湖不識烽臺愁北闕已絕強鄰聘  
寶慶天子來自外郎朝諸侯土疆日窄邊庭憂大帥偃  
蹇藩鎮侔小壘椎剝租瘢稠春城絃管暗煙雨四十一

年變滅同浮漚咸淳太阿已倒持銅山之賊專宮帷樓  
危金谷山鬼泣舸走白浪江神悲老人年周一甲子至  
元大帝車書合文軌每話承平如夢中萬事東風過馬  
耳只今行歲一百一坐閱天地同昨日秭歸聲苦紅蕖  
翻邯鄲睡熟黃梁失門前手種青桐百尺長笑指截取  
諧宮商少君荒唐方朔誕不如老人親見溪谷為高岸  
我孫之孫為玄孫翔鸞峙鵠高下飛集駢清門憑公欲  
補先朝事濡毫更作長生記

東門行

神皇揮戈度黑河四廂捧日肩相摩金袍珠縈帽七寶  
剖符帶礪功難磨年年舞馬魚麗列宴罷玉帳經南坡  
嚴更傳警夜氣肅貔貅千列環象駝華蓋西傾星散雪  
殿前蘭膏猶未滅千金匕首肘腋生拉脅摧胸慘凝血  
平明羣兇坐周廬傳旨東西騎交迭棄馬之邦身被縶  
執簡以朝筆猶舌煌煌厚恩浹肌髓悲淚填胸痛天裂  
金繒盈車內府竭虎視眈眈終一啞

欽定四庫全書

元詩選初集  
卷十九

三十九

次韻善之雜興三首

習隱漸成癖，苔光綠映扉。  
辟名常好好，絕俗任非非。  
日落長鑱柄，天寒白苧衣。  
南鵬五月息，戢翼笑羣飛。

昔日登臨地，狂歌祇自求。  
漢宮空有恨，吳女不知愁。  
雲葉寒沙霽，江花古岸秋。  
何人持鐵板，擊徹舊邊樓。

鄧子清如竹，蕭蕭澹世情。  
下帷憐草色，倚杖愛松聲。  
嗜癖成書賈，身窮付筆耕。  
乘槎空有約，何日海邊城。

月黑



月黑斗杓轉昏昏古柳壕干掇寒戍響窄堵亂鳥號風  
定歸潮急門淡落葉高向來江上意無語獨蕭騷

舟中雜書五首

野色連雲白春聲引樹清遊魚新浪急歸鳥片帆輕曉  
夢三千里風餐第幾程萍蓬元未穩徙倚問天明

挂席疎星外停舟獨柳邊團團風始陣怗怗月初弦隴  
曲沙成雪吳歌水拍天行藏有如此把卷獨悠然

春睡元無著鄉心比酒醲飛花空有意小雨不成容獨

樹疑新堆羣鴉似亂烽艱難憐浩蕩散髮遂初慵  
河落渾無底飄零總客塵春洲蘆鴈少曉戶柘蠶勻京  
洛饒豐稔江湖樂賤貧低徊吾不恨應有故山筠

桑柘斜陽道天然錦繡機雲容催溽暑花片憶春霏水  
落新魚瘦風清宿麥肥歸程時屈指重午試生衣

立春日宿大清口舟中見新月二鼓雪作

春月如佳士翩翩欲上船相逢疑昨日一別又新年水  
鏡心胸朗空輪體質全更演飛雪急直與鬪清妍

次韻陳剛中待制初秋

岸幘倚書楹寒砧徹四城馬歸人獨語鴈過月初生寂  
寂候蟲急淒淒落葉清客裏誰與共搔首見參橫

次韻馬伯庸春思兼簡繼學二首

洛花千萬朵一一為君開粟暈排金縷酥凝爛玉杯美  
人乘馬至仙子抱琴來莫學飛紅侶隨風喚不回  
行窩春匝匝下榻望君來雙玉矜嬌思聯鑣騁逸才題  
詩紅袖擁傳詔錦袍迴羞殺高眠者楊花滿綠苔

贈瑛上人住洞林

托鉢千巖裏松花凍未開  
哀猿依講席饑鳥下香臺  
潭影留雲定鐘聲送月回  
山中太古雪為寄一瓢來

送蘓子寧和林郎中韻

貂帽護寒沙冰天閱歲華  
斷溪馳聽水密雪犬行車  
雲盡難尋鴈春深未識花  
昔人奇絕處八月解乘槎

寄開元奎律師二首

開元古壇主老至律精嚴  
洗鉢魚遊水開門鶴入簾  
拾

薪供茗具滴露寫經籤已悟如來意看花不用拈

開元古壇主身世兩相忘客至嘗扃戶僧來不下牀神  
光千里鵬玄辨九秋霜白業渾消盡蓮池任意香

髻髻侍諸父拜雙峰祠堂未嘗敢有題咏二十年

來接武於玉堂瀛洲霜露之思闕然有覲近開  
平石長老興廢補仆光紹前聞遂述舊懷為六

詩且伸歎仰

三錄

慚媿雙峰老光明兩足尊

新裝釋  
迦佛像

午窓鉤竹影凍筆點

梅魂齋近烏曉樹禪迴虎伏門春來有新鴈勸我趣歸  
轅

經院辛勤日千金記始興

創寺時以賜金千兩  
經始今八十有四年

雨荒蟲

蝕拱壁壞鼠緣藤舊觀丹青復諸天錦繡承短簷增突

兀曾見出盧能

書來修選僧堂舊有衍士言太高俾沙  
門減其柱然清班亦不聞有顯者故未

之及

寒徹清泉底山童上水華定金非在井

羅堪羅尊者語  
傳昔有一女子

墜釵其煮米却成沙洗目能生電搜腸可當茶人持一  
水遂定

月去此月落誰家

次韻張希孟凝雲石四首

我愛凝雲好朝昏境不同金芽養靈谷鐵網起晴空月  
色古今正潮痕子午中點頭那有意吾欲問生公

我愛凝雲好神清湛欲留岷峩千古雪秦華一天秋獨  
鶴離羣皎層冰出澗幽無言有淡抱山立正揚休

我愛凝雲好模糊老墨仙癡篆端食月渴驥欲奔泉守  
黑壺中日談空洞裏天煙霞元自足塵世未為賢

我愛凝雲好能歸萬古春遺簪三島客椎髻八蠻臣  
栢子添清供梅花寫舊真天心元不動東海任揚塵

次韻仲章過陳氏城南書隱十韻

矮屋參差倚平蕪黯澹看夢迴榆塞遠愁絕翠峰寒  
白髮游絲罥丹心古鏡蟠槐明金瑣碎菊鑄玉噴  
屹憶月時看劒臨風復整冠鄉音憐過鴈古調拂離  
鸞去矣歌招隱終焉樂考槃晚知交態薄老識宦途  
難口腹非真累毋煩饋一簞



入南城遇老醫言山陽舊事因成十六韻

解后山陽老相傳事已訖  
奸雄歸草莽天地入悲歌  
太守籌謀誤將軍禮數苛  
韃橐同下吏騶御失前珂  
渙忍顏如此憑陵事若何  
比肩身肯辱却立齒爭摩  
水卷寒雲甲風揮白日戈  
耳聞人作膾眼見血成河  
翕霍同么子倉皇類小幡  
官車奔及馬婦女走乘騾  
自古儒冠忤難將杯酒和  
功成真草草

先公在省府論山陽事去國後維揚論功成謂偶幸時

至復我我漂母恩徒快中郎咏未磨

苟羨為中郎將有北征詩遺屯

迷豔石

鄧艾築

舊浴暗龍渦土沃邨邨麥湖溪處處荷人

生貴行樂何必問銅駝

壽李承旨四十韻

寶歷開三禩瓊章集萬神蒼龍迴插子玉兔候交辰潞  
水升騰渚壺闕氣接旻道傳華野正學比傳巖醇帝運  
昌文統師臣秉國鈞清宮高贊畫潛邸舊經綸意得超  
今古才雄異等倫春浮霞錯落秋映玉嶙峋三執中書  
柄重開大國酌黃鐘陽脈脈瑤圃霧氤氲仙鼎神膏秘

宮壺掌露真恩醲錫麟脯味薄謝猩脣瞳碧光流漆顏  
紅色耀銀垂紳凝泰岳設席陋平津手挈重華古心追  
貞觀新至人專上壽八表樂同仁非虎耆年竝猶龍祖  
譜親息淡忘蝶化機靜狎鷗馴蕩蕩心無競肫肫俗易  
淳極知調鼎餽不惜汙車茵竹帛千年事桑麻萬里春  
管商謀可鄙房杜跡嘗遵斟酌扶元氣彌縫護國珍倚  
風憐竹弱聽雪喜松皴玉署親裁詔青蒲獨奉宸蜀江  
移戍罷浙土減租勻榻淨唯烏几堂虛且角巾手揮廷

下吏目送幕中賓習隱時思許題詩尚憶秦黍田溪溜  
溜花鴈澗粼粼問俗停車緩貪賢倒屣頻藥囊儲赤箭  
水鑑徹青蘋滄海收毫末空林絕隱淪籍功文館定約  
法論堂詢出處闕吾道安危佩一身政須陳蹇蹇直與  
紀麟麟績藝慙班馬抽才頌甫申占天徒有管望治眇  
無垠閱歲桃成實知年海拂塵扶疎慙小草蔥蒨託靈  
椿

送文子方著作受交趾使于武昌二十韻

萬里蠻貊貢清秋督使馳乘車專述命受幣聽陳辭紫  
舌音聲狡雕題聚俗滋玉門心愈遜銅柱約難移江漢  
尊南服星辰拱太儀趨庭輸齒革授館列膏脂私覲情  
鈞隱公言理折疵彈丸空有險東矢定無疑桂蠹消煩  
溽著龜審事宜要荒工跌宕保障慎羈縻鸚武寒汀遠  
蒹葭晚岸敲壯遊詩句豁古戍角聲悲月矗珠簾正山  
低翠浪歌班超空耿耿陸賈政怡怡楚水愁腸結衡峰  
望眼眇過門王事急去魯驛程遲緬想垂衣治浚求補

衮資大夫謀可利小客禮須持諭蜀徒煩檄平南漫擬  
碑佇看王會傳端假使臣為

魯子翬御史分按遼陽作長律五十韻愛其精密  
予今歲亦扈蹕開平因次其韻

象御天街正烏輪海觀昇省方秋戒慎扈蹕歲因仍石  
迸根駢拇山迴勢左肱塵浚疑帽重霧密覺衣蒸午頓  
炊難熟宵征酒易勝解鞍心惘惘執轡念兢兢酪水分  
罌缶通薪算斗升皮毛均禦服脂腴或然燈統幕迷高

下烽臺開廢興度闕泉水咽出口月華澄狼戾官芻時  
魚麗餽粟徵千房雲疊疊萬竈墨層層列帳排衣甲行  
營護棘矜旆旋環似翼鼓發去如繩斗北瞻紅棧雲西  
指白登草肥青穠稔松聳翠峻嶒積雪疑忘象搏風訝  
徙鵬屬車攢幄帳行殿儼茵憑白氎時逢賈朱衣定指  
僧翠旄逼華盖金甕耀觚稜觀闕天經界儀臺象緯凭  
欽飛拳似虎鐵杖足如能竹帛司常煥丹青職貢增會  
朝珠帽簇錫宴寶卮凝陛立齊垂素師行陋釋棚廣寒

通月窟高爽寄涼櫓上聖英資異丁年武德弘天戈中  
夜渡星檄百川承同軌嚴行夏明裡恥用節別州端首  
冀分器定先滕德啟無疆服光傳有道曾皇威宣絕漠  
陽澤散堅冰表正辰居所漸仁水集埭庭開下鳴鳳苑  
廢罷飛鷹舉逸尊加壁掄材鄙販繒鄧林搜八柱瀛海  
取三凌曲學慙繩祖孤聞賴得朋沈思雲外弋冥索澤  
中冒客議難同鶴人疑驥聚蠅濡毫終有思執簡豈無  
懲謂可兼遐通胡云立愛憎清芬蘭佩結芳薦蕙教烝



鴻筆吾誠忝輜軒子累乘共知心耿耿明對髮髻髻馬  
磨誰憐許龍門共企膺枚生詞過實揚子德徒稱盛化  
乾坤闢王綱日月恒麟符昭炳蔚豹霧駭超騰虛白難  
為繪空青不受矰欲追千古筆為付一枝藤

次韻伯庸畫松十韻

妙思通靈素玄陰接帝青抗顏躬蹇蹇蒙頂髮星星  
颯爽龍羞秦蕭疎鶴鍊形壁虛生地籟斗近界天經蝶夢  
春濤湧蟲疑曉日冥雲生停竿候風入倚窻聽屈曲車

連軫騰挈簾列庭戀鄉思海岱封爵鄙雲亭月落孫生  
嘯天寒屈子醒雄姿輕虎豹浮跡陋鷗鵲

元詩選初集卷十九